



CIRCULAR 71 – 2019.

II CAMPIONATO DE GALICIA MÁSTER POR CLUBS

- A todas as delegacións da FGA.
- A todos/as os/as asembleístas
- A todos os clubs galegos con licenza vixente
- A todos/as os/as adestradores/as con licenza vixente
- A todos/as os/as xuíces/zas galegos/as con licenza vixente

Art.1) A F.G.A. organiza o día 15 de xuño de 2019 o II Campionato de Galicia Máster por Clubs nas Pistas do INEF de Galicia (Bastiagueiro - Oleiros) en horario de tarde.

Art.2) Poderán intervir un total de 8 clubs masculinos e femininos. Os clubs **designaranse por estadiño de marcas da tempada 2018/19** dos atletas con licenza por ese club na tempada actual. O sistema de puntuación obterase puntuando as mesmas probas nas que se disputa a competición (valerá tamén o 5000 polo 3000, o 3000 e 10000 marcha polo 5000 marcha e as marcas en pista cuberta agás 60 e 60 valos pola táboa de puntuación WMA).

Art.3) A data límite para a presentación de estadiños é o **luns 10 de xuño ás 12:00 horas**. Os estadiños confeccionaranse cos mesmos criterios da competición en canto a atletas estranxeiros, atletas de clubs asociados e limitación de probas. O estadiño será por coeficiente en función da idade mediante a **Táboa Máster Clubs Aire libre en formato Excel** que será cumprimentada e remitida a todos os clubs.

Art.4) As inscricións realizaranse a través do sistema online na web da RFEA (<https://isis.rfea.es/sirfea2/>) ata as 20:00 horas do martes 11 de xuño do 2019. Lémbrese a obrigatoriedade de especificar a data e lugar da marca nas inscricións.

Art.5) A competición realizarase a 1 atleta por proba e club. Cada atleta pode realizar dúas probas (dúas probas individuais ou unha proba individual e un relevo ou os dous relevos). Admítense 4 participacións de atletas estranxeiros en homes e 2 en mulleres (participacións, non atletas). Admítense 4 participacións en homes e 4 en mulleres de clubs asociados.

Art. 6) O programa constará das seguintes probas:

Homes: 100, 200, 400, 800, 1.500, 3.000, valados curtos, valados longos, altura, pértega, lonxitude, triplo, peso, disco, xavelina, martelo, obstáculos, 5000 marcha, 4x100, 4x400.

Mulleres 100, 200, 400, 800, 1.500, 3.000, valados curtos, altura, lonxitude, peso, disco, xavelina, 3000 marcha e 4x100.

Art.7) O número de intentos de cada atleta nas probas de concursos será de 4.



Art.8) O sistema de puntuación será establecido por postos: N puntos o primeiro por coeficiente de idade, N-1 ó 2º, así sucesivamente, sendo N o número de equipos participantes. No caso de empate entre dous (ou máis) atletas os puntos repartiránse entre ambos. Os atletas/equipos non presentados, retirados ou descalificados non puntuarán.

Art.9) Proclamarase campión o Club que obteña maior cantidade de puntos. Haberá trofeo para os tres primeiros clasificados en categoría masculina e feminina, sendo obrigatorio acudir ao protocolo de entrega dos mesmos.

Art.10) O Delegado oficial de cada Club poderá efectuar un máximo de 5 trocos na composición do seu equipo ata 10 minutos antes do peche de cámara de chamadas. Os cambios efectuados nas probas de relevos non se contabilizarán.

Art.11) O sorteo de rúas e orde de actuación comunicárase unha vez recibidos todos os estadios.

Art.12) Os/as atletas deberán utilizar o dorsal outorgado pola organización de forma totalmente visible, por diante agás a pértiga, en toda a súa superficie. O incumprimento desta norma poderá ser motivo da descalificación. Será responsabilidade dos/as atletas levar consigo imperdibles ou calquera outro sistema de colocación, a organización non facilitará imperdibles.

Art.13) Alturas dos listóns: Colocaranse á altura máis baixa das solicitadas polos atletas e que permitan os saltómetros, ata continuar ca cadencia que se publicará co horario definitivo.

Art. 14) O horario publicarase en función dos equipos participantes.

Art.15) Todo o non disposto no presente regulamento resolverase de acordo, por esta orde, ás normas da FGA (ver normas técnicas FGA 2018-2019), RFEA e IAAF.

A Coruña, 4 de xuño de 2019



Carlos Castro Vicente
Secretario Xeral da Federación Galega de Atletismo